


全索二

戈職



量度




5120  
86211  
13



21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41





# 金索二

戈矧之屬

周禮句兵制不傳狀稱戈立鈔武  
 備所重惟古人以銅為之不但後人用鐵  
 盖耀武之中猶寓不嗜殺人之意焉茲取  
 其有款識者畚而錄之藉以想見古制所  
 謂折戟沈沙鍊未銷自將磨洗認前朝也  
 凡一弩一鏃皆得例載以戈矧之屬

紫琅馮

雪鵬晏海氏  
雪鵬集軒氏

同輯



金索

邃古金藏

商癸鐙



一面

亞文中

癸 虎形

一面

亞文中

子執旗形 足趾形 蛇形


鐙者三鋒牙詳下注款有亞文自屬商器癸其名也虎形取其威也旗形取結隊也蛇形取利刺也款識必有此器其字左右不同茲以吉金奇摹之

商象形馬戈獸

阮芸臺制軍藏



形戈象字面一



形馬象字面一


積古堂作馬文句兵云面銘馬形項有鬣尾有三歧背銘即此器形安秘如立戈象此器如戈橫援本不為內而為蓋上下相穿以安秘銘在蓋長出處

寶戈獸

黃小松司馬藏



一面寶字




一面象戈形

古字積古齋釋作寶黃小松橫讀作此以為似戍字今從積古款識作一橫一直讀取寶戈二字義為長


周單癸鐃

單癸盟

說文鐃兵器也廣韻戰屬或作獸茲以盟古法渚文器長建初尺七寸七分強




鵬按盟即盟也書顧命篇一人冕執瞿即此之謂薛氏款識寺書無道及者茲據柱未谷拓本摹入寔屬周器考款識及博古齋載單癸自云單岡作父癸自疑即此人且篆法亦相類薛氏云癸於單族是其宗也今錄此鐃可補金石諸書之缺鵬按周書鄭康成注云瞿蓋今三鋒矛觀此可知其狀矣



古釧

依原樣無銘字




正画



背画

此器甚古見于孔蕙浦家画三種而背凹或以為農具柱未谷云此古釧也



商珮文

漢陽葉東御藏

正 面




文一字在胡之末  
積古款識據程易疇  
釋為珮字

背画



戈奇古不可識積古欵識以程易疇說  
釋作八寶平目四字鴈疑是庚永用  
三字而未敢定其龍文瑠鏤甚細必周  
秦以前之物


舟舟戈



此器似戈似戣無胡戈之胡不  
如是之短与考工記不合疑商時  
戈也內銘止一舟字盖人名古之舟  
与周通用鼎彝中每有此名




戈字戈 此疑商末周初時物與前一戈皆桂氏拓本



桂未谷云此雞鳴也鵬按考工記治氏注戈今句于戟也或謂之雞鳴或謂之擁頭疏去謂之雞鳴以其胡似雞鳴謂之擁頭以其胡曲故也又按治氏之制戈廣二寸內倍之胡三之援四之今度以漢尺內長四寸胡六寸援八寸皆不相懸遠惟援廣無二寸或磨殺也內銘似一戈字文甚古

周羊子戈




孔氏金石拓本載翁覃谿先生題跋是戈甚詳不能具錄其末云乾隆三十九年周秀才拓其戈俾方綱審定明春顏孝廉持戈末相眎三月廿三日錢學士載孔主事繼涵檢討廣森馮孝廉敏昌集詩鏡軒同觀

曲阜顏氏得之周公廟側東土中今藏馮氏  
戈文五字重今庫平八兩三錢孔戶部繼涵以貨布準之為十六兩一分三釐視三詩為斤四兩者不足十之一用久故也所為內倍之胡三之援四之者皆與考工記合銘在其胡

是戈之名竅頭辨論甚詳唯半字迄無定說舊釋羊周秀才渠釋止羊楚姓也張范堂金石契及翁覃鞫先生金石記皆以之舉楚武王授師子為証朱學士尚仍釋止羊謂羊位半畫宜上出且國姓與國爵無連及之文阮芸臺先生金石志以之呂晉羊舌氏之分族為解詞各有見今竝存之惟皓字釋古文造之據未有引証者桂廣文未谷札樸引武王銘造牙造矛六系造字非皓字也鵬按濟南府神通寺之千佛崖題壁云頭慶二年南平長公主為太宗文皇帝敬皓象一軀頭慶三年青州刺史趙王福敬皓象主清信女段蕤敬皓一軀之類造皆皓初唐時人猶見古文遺意可取而心也為綴以詩云

周公廟側得周戈質如碧玉痕如莎戈胡五字精而力曾經歎賞名人多半子羊子且莫定審為周器真無似空山齋頭見此物為余羅致相抄摩夏后凋戈不可見鉤鈔鏗胡如飛梭拾得哥舒半段槍猶將磨洗時吟哦况此硬軍出姬世戈之寶貴當如何


邦太師戈



戈銘八字在其胡磨泐二字蓋其名也此黃小松司馬藏

吉戈


吉州  
研金  
研金  
研金



吉用  
研金作  
戈寶用

吉者人名  
研金研鍊  
之金寶字  
半泐此小  
松司馬藏

周良  
山戈




良山彊千車戈

七十三


戈九字在其胡与半子戈形製正同其象  
六類鐘鼎文盖周制也按史記孝王北  
獵良山良山在壽良縣即今之壽張縣曰漢  
文帝第三子梁孝王田獵于此改名梁山  
是漢目前皆稱良山今知有梁山泊而不知  
有良山矣得是戈可以正之

丙子秋初見此戈於濟南府市肆間愛其朱碧  
 靛厚更佳于竿子戈價須白銀一劬未能得也目手  
 拓其文巨歸明日遂有滋陽之行此戈未知屬于誰氏  
 心甚憶之狀告人得之而未必傳之予未嘗得之而  
 轉為傳之未始非此戈之幸也



周在陰戈

黃小松司馬得之虞山




在陰戟

內孔下有花紋古異

右戈內長建初八寸三分弱胡長三寸分強援長五寸五分所謂內三之援五  
 之者均周制合於周戈也惟胡末平故稍短耳小松司馬自釋其銘曰平陰  
 寶鵬按在字上有泐文非平字咸乃戟字非寶字戈而曰戟制相似也

雙鉤文戈


此福山明府如阜平章直齋寅所貽戈，無銘字而丹翠錯落其內有雙鉤文如前戈



高陽左戈一

曲阜顏心齋藏


高陽左  
銘三字  
在其內



此高陽所造戈或古高陽氏之徽人也陽從日旁古字通用如書洪範時暘若漢五行志作時陽若其稱左者古諸侯行有二執戈者在  
前此其在左者所執否則左軍之戈阮芸臺先生論之甚詳

高陽左戈二

漢陽葉東卿藏



高陽左

銘字相同而前戈之胡較短此戈之援較短知非一時造

高陽戈



高陽

夔戈



夔之戈

三字橫

書左讀

疑在其

胡

衛公孫呂戈



衛公孫  
呂之告戈

告即造字  
之渚

敵戈



敵之造戟

此海寧吳槎客所藏戈  
而曰戟說文戈平頭戟也

樂左軍戈




樂左軍

此樂氏左軍之戈齊有樂施  
晉有樂書樂枝蓋齊晉間物

公戈




公作



周龍伯戟銘

從積古款識摹入未見其器



龍伯作奔戟

欵識云此旅賁氏所執之戟故曰奔戟漢百官公卿表  
更名虎賁郎注云賁與奔同言如猛獸之奔鵬按  
今一匡所同大斧俗亦稱奔斧觀此知奔之命名久矣

周何伯槍銘

後積古款識摹入未見其器




罍作彝  
可伯罍

款識云罍說文罔也可何之渚再稱之渚舉也可伯稱罍作彝  
六字左行言舉羅網以田爰作兵器也槍曰彝者彝訓法言法  
器也 鵬疑六字右行罍為人名言罍作此美鎗為何伯所稱舉  
也義亦可通

秦廿三年戈

桂未谷明府舊藏今歸葉東卿



廿四年郝隴  
萬命古寧  
工戈夏正豎

戈銘用古篆自是周  
秦時制周少四年者  
故定為秦戈如秦碑  
秦權稱廿六年可証此  
據金石志所釋增補  
萬字尚缺一字俟見此  
原文再審之




漢正師戈

正師

銘在其援



正師造戈者名也此戈  
形製與周秦諸戈不同  
蓋漢時物嘉慶丙子夏  
日鵬在泲南與保少柏  
王霽塘登歷山回見此  
戈得之




周吳季子子逞劍




吳季子之子  
逞之永用劍

劍銘爲篆文十字其季字用字與夏瑀戈鈎帶相類  
精古非常以周尺度之長三尺臘廣二寸半重九鎰上  
之劍也銘在其臘此康熙八年孫退谷侍郎得于睢陽  
袁氏所謂一字鼎以十金者積古欵識述之甚悉




乙劍




乙戈

此黃秋食司馬拓本銘乙戈二字劍而曰戈乃古人通用之文猶見於而曰彝直而曰雨也臘土隱有盤鑄之文已磨泐莫辨

古劍



頃自任城得一古劍較謝樸園劍長一寸濶一分刑制畧同亦有朱綠銘刻二字陰文鈿金為之在其臘曰千馬此度蘭成刀銘所謂價重十城名高千馬者也或云係千萬二字言所值千萬也



陽武劍銘

陽武出

劍陽武用

積古歎識云司馬達甫所藏器據拓本摹入程易疇以為（即人）  
即雙口卣即三入鵬按字不從刃而從戈古字不拘蓋劍之戈屬也今  
亦未見其器祇摹其銘

古劍

祥符謝樸園藏

長廣依原劍無銘字  
齒此為式餘可類推

此劍通長漢建初

尺二尺微弱又



紀秋水明府

曾贈一古


劍較短

不具

錄




祥符謝子樸園慎修自濟寧莫司馬署幕  
中寄觀此劍自作古劍考云嘉慶乙亥夏盧  
氏縣北山大出水寺中得古銅劍一具其色蒼翠  
其斑丹碧質朴而銛利無銘字握莖長周尺  
五寸圍半之空其中內柄以便設金玉莖上接刃  
通廣二寸半脊隆身長三尺五寸与考之記桃  
氏中士服劍之制合又按高注劍後稍大空處  
名鐔又名後五寸名莖又名夾莖上有隔名  
首上名身脊隆居中外微凹名臑外出  
刃名銛直上末處名鋒鐔下名鼻以貫帶又  
名鼻名珥匣名積衣名夫統其說甚詳




商距末

曲阜顏心正明府藏




愕作末  
距用商

山左金石志云此器曲阜人掘地得之計高一寸九分八釐各潤三分頂徑七分橫五分下口徑六分橫七分銘字狹長用金填之下有小穿徑一分距末不知何器沈心醇據戰國策蘇秦說韓魏谿子少府時力距末皆射六百步之外疑此為弩飾孔檢討廣森亦以為飾弓箭者三說皆近之特此末字甚明斷不得疑為末字其器中空一函有隔負而向下確是弓箭末張弦之處以今弓末驗之可知此蓋周器宋人物也鵬按尊谿先生以為商器自是不爽此填金古篆體瘦而長本合商制又愕作距末用釐商國又絕似罍孤其服實亡周國之文周稱周國則商豈可稱商國矣距末者距末之末也



周龍虎節

吳門陸貫夫藏



王命道寶  
一梧載之


此節制作精古真周物也舊釋命下重文為尸梧疑作倍  
創釋作飲脚按桂未谷拓本命下實無重文梧亦非倍  
竊謂天文訛微垣外右為天槍左為天梧即此梧字且  
創亦非飲攷后鼓文載西載北載俱作創此从滴不狀即字

有缺華其為載字無疑所云王命道寶一楛載之者謂  
 奉王命以此為道路之寶可建一楛以示威載車而行也如  
 詩所云命彼後車謂之載之者意甚明顯且與周禮山國用  
 席節澤國用龍節意亦相合所云王者指周王也積古款  
 識於吳佩紉說釋作王命惠賃一楛飲之引後漢皇甫規  
 事以為王命賃一楛以樓軍之病疫者為糜藥以飲之似  
 涉穿鑿



古戚

玉虹樓孔琴南戚 畚依原樣無銘識




右面


辛巳三月鵬遊曲阜訪孔  
 孝廉琴南與趙君白亭  
 相叙于玉虹樓下適有持此  
 求售者其人不能自言其名  
 予語琴南曰此古戚耳與博  
 古錄所收片雲戚畧同彼云  
 樂器狀禮稱朱于玉戚冕  
 而舞大武以銅為之或是  
 軍器及天子諸侯鹵簿之  
 屬必秦漢以上之物琴南忻  
 狀以錢五貫得之



左面




古戚




桂未谷云小銅戚一卒  
 丑七月得于洛陽

古鉞



謝樸園云嘉慶癸酉秋得于  
 盧氏縣有鑿可以正柄疑古  
 時儀仗所用画有陽文巨  
 是戊字鵬按巨乃花飾未必  
 是字

古箭鏃





背無文

同

箭鏃弩矢有字者絕不易見此上二枚  
 葉東卿得下一枚桂未台明府得

周立旗鐸

從轉古畜減小




銘




象鳳栖木之形  
鵬疑是立旗之形

博古錄云器高六寸八分柄長四寸七分上徑長二寸四分橫三寸下徑長四寸四分橫五寸二分重七斤三兩銘作鳳栖木形是器鐸也周官鼓人以金鐸通鼓凡樂舞必振鐸以為之節銘之以鳳取鳳皇未儀之象 鵬按周禮振鐸作旗此疑軍旅所用之鐸以之作旗其銘文乃立旗之象也




旒首

漢陽葉氏藏




此在干旒之首旁出兩歧枝有穿孔蓋其繫旒處也而面如一無銘字



漢延光弩鈿

依博古齋元樣



延光三年閏月書言  
府作六石鈿弩工銀  
賢令磨守丞殷乘  
鉅史訓主


延光三年閏月書言  
府作六石鐵郭工銀  
賢令磨守丞殷乘  
鉅史訓主

博古齋云迨光三年蓋東漢安帝即位之十九年是年歲  
 在甲子閏在十月此不言十月舉閏則知十月也書言府者左史  
 書言猶天祗石渠之屬漢之武庫隨府有之若二若令若丞若  
 史皆銘之於機則知除戎器械不虞昔人尤在兩慎者是機之形  
 方且密紋鏤細若絲縷綰結則可賴此以固邦國者非特于前書  
 孝宣之際也

鵬按是鐵已失其辭其畜式于郭面隆起處未能合度姑以博  
 古齋摹入其銘中殷字宛然殷乘者守丞姓名猶鵬得延熹弩  
 鐵有丞亮令熹名博古齋釋作躬薛氏款識釋作射俱誤也  
 積古款識以為二十七字陽識尤誤好鐵皆鑿久陰字無陽識者

漢元康弩鐵

濟東觀察何緩全先生藏



郭左銘

元康元年  
考工賢作

六石

鐵

主命長平

丞義右


尚方乘

廿三

耳銘


陰

此鐵形製差小而字畫疎朗古碧瑩明洵可玩也郭銘隸書二  
 十三字重文一字在其左耳銘篆文一字在其右曰陰侶平陰戈  
 陰字隱其內不可見脫却始見之亦它弩所未有者



漢連始弩鏃

濟東觀察何緩齋  
 先生藏




郭面



此鐵制作重大字跡細微色如翡翠郭面可見者建始三年六月尚方  
八字及所作二字依稀可辨其中尚有六七字為重綠凝結所掩不可  
臆揣考成帝建始三年上距宣帝元康改元為三十一年昔歐陽公  
云西漢物至難得今緩齋先生所得二鐵皆屬西漢洵可貴矣

漢延熹弩錢

舊藏顏氏樂圖  
今歸晏海



郭左銘  
字畫細甚不能  
摹刻稍為放大

延熹四年十月戊午五年九月  
丁丑詔書遣作六石鐵  
郭工魯甫史路驛掾  
樂鍛丞亮令熹臨  
掾州明

延熹四年十月戊午五年九月  
丁丑詔書遣作六石鐵  
郭工魯甫史路驛掾  
樂鍛丞亮令熹臨  
掾州明

按延熹四年五年漢桓帝之  
十五年也蓋兩奉詔書  
兩作鐵



右郭鏐

底郭



郭右有王廿二之文  
猶治弩之有鬼十四  
法世也蓋守機者姓  
廿二其編列之次第  
郭臣有王甲二字  
在小孔之下藏于腹  
內表弩不見脫乃  
見之

題辭

東漢延熹六年石鏐四字細以游生隱入碧蘇羊不見豪芒剖別象依  
稀郭之魯甫何時造四年五年雙奉詒是二年間云多事羽書疊  
撤長安道先零零吾勒姐羌寇及三輔吞并涼五溪蠻叛長沙  
亂太守轉逃士民竄車騎將軍馮皇御溫寇波雲神鬼竊誅  
首萬級降十萬得非此弩成勛名千年重器難磨泐樂圖  
能藏不能識王甲何人吉并傳宛轉歸余重拂拭延  
熹四年華山碑不同其人同其時我想金石壽永久願與華  
山碑不朽 康辰之夕晏海題




漢建安弩鏐



建安廿二年四月十日所市  
千五百師稽福

積古款識云建安廿二年東漢獻帝之元年師同師見  
靈臺碑師者工師也稽福其姓名

右中郎將弩鏐



右中郎將實悅赤黑間


卷轉辭

積古款識云漢書百官志右中郎將比二千石實悅  
史無考轉讀為郭某東也赤黑間當是弩名蓋弩有  
名黃間者見漢李廣傳註有名紫間者見陸機六傳云  
操紫間神機是也

桂未谷札樸云程君敷於西安得銅弩機有金錯篆書十  
 二字云右中郎將曹悅赤黑間卷鞞解陸君繩剔其金而拓  
 以示予按弩有名黃間紫間白間者此云赤黑間者考工記弓人  
 凡相幹欲赤黑而陽聲一當取此義卷鞞解者卷心作卷借  
 作鞞說文鞞繞解繩也漢李陵傳殺連弩射單于張晏曰  
 三十卷共一解也又矢盡道窮士張空卷文穎曰弓弩卷也顏  
 曰卷與鞞同文選間居賦谿子巨黍異鞞同機五臣注鞞發箭  
 處李善注言弩鞞雖異而同一機也說文曹司馬法以革作鞞此  
 鞞變由以曹又加寸曹解謂解也說文弩弓有解者釋名弩  
 其柄曰解佻人解也

薛弩機

黃小松拓本未定時代



底

正面

右側

右側

王卅九

薛

薛

一字在  
 郭底曲  
 上向外  
 象

右側薛  
 字左側  
 王卅九  
 款識甚  
 簡正面  
 嵌銀絲  
 刻度數  
 拓本合  
 為一非  
 此制獨  
 巨也


宛仁弩機



宛仁

工師姓名積古款識云春秋傳有宛射犬宛春此宛仁殆造弩者名

左尚方弩機




兒十四

左尚方 十一

兒即倪也工師之姓


二器為阮芸臺先生所藏積舌無未注明款識所在未能音錄

蜀漢景耀八年石弩機



左面

郭右面



此錢係齊東少尉陸春舫在甘肅時掘土所得一獲五弩三弩無文此其一器今贈晏海景曜二年蜀漢至之卅七年也

郭右楷書三十一字

景耀二年六月廿中作部左興業劉純業吏陳深工蒲細所作八石重三斤

景曜八石弩檠歌二軍贈陸少尉議

庚辰冬仲陸少尉自齊東携弩檠來觀歌以贈之

香尉耽于古弩，鐵獲其五。此在中作部絕勝書言府。歌識中作二字并書初觀俗字為別鑄出


乃中作二字按漢制有中尚方左右尚方及將作大匠今名中作部想稍變其制矣書言府鐵見前我思景曜二年時六月三之分土志稱是年是月女子誰為此堂分土何能不備兵彊弩將軍先禦海子得延熹六石鐵此八石者尤奮努巧思曾傳丞相亮制作精堅森部位損益連弩踊元戎至今生氣嘗棋鼓千載山泥塗餘勇猶堪賈人嗟古色斑我嘆良工苦對此重摩杪乃識武侯武

趙日春舫少尉以此鐵見貽因復作歌贈之時將有粵東之行

延熹弩里如鏡景曜弩紅于血三弩相當難缺一延熹弩東魯得景曜弩甘肅推三弩相隔不相識陸子未齊亦我蜀漢銅示我即貽我法氣凌長空取置前弩側西漢如追風嗟哉三國爭蜀勢弱景曜而後將衰落後主庸愚丞相死一片孤忠無寄托不逢千古有心人安得遺制傳金索感君惠我八石鐵我心便作千金劍君向粵東遊有約重相見臨別勿續短歌與君萬里常相念

魏正始弩鐵

左音




大  
郭底曲上向外處

可六十四  
耳在字四

正始二年五月十日左尚方造  
監作吏鼂泉耳匠馮廣  
師郭奕臂匠江子師項种

右音




史十三字難解或末  
點係泐痕仍是十字十  
者三也其編列之次

此鐵乃美小珊禁得能長與者與下必始三年鐵尺寸合信一時之  
制考夢溪筆談所載弩鐵有臂師虞士耳師張柔名目此云耳  
匠臂匠而匠復有師更為詳悉小珊吳門人並仕於陝英年小吏到  
陝時即拓此見寄洵好古之一助也

魏正始弩機

曲阜顏心全拓本





楊百一

正始三年十二月廿方尚方造監  
作吏李貞貞待詔孟胡師  
左轉駐待詔李昌明

正百

按晉魏帝芳北魏宣武皆有正始三年此款識工整近于魏隸因  
屬之曾魏其昌明下尚有二字極泐難辨故去之郭右楊字或為  
造弩者姓或為用弩者姓百一其編列之次也



NORTH CHINA UNION LANGUAGE  
SCHOOL LIBRARY

